

## PAOT TE KÕMËN KONOX YÕG KUXA MÂM KA'OK XOP PU KAX'ÃMI'

<sup>1</sup> Ûgmûn Paot, ha Topa tep-tup, pu Yeyox Kunnix nûgkutnâ', yîk mûn xik xape Tîmôn te nûhû tappet kax'ãmi',

<sup>2</sup> kãmên xexka Konox yõg tikmû'ûn pu kax'ãmi', Konox yõg kuxa mãm xop pu kax'ãmi'. Yã Kunnix te yûmû'ã hã' xape xe'e', yîy yûmûg xape kamah. Pûyã Topa yûmûg Tak 'ãmûtik pîp, nûy 'ãkuxa mãmã', nûy xa hãmmxnã'.

*Tu Topa pu hãm'ãktux, nûy kuxa mãm ka'ok xop max'ax 'ãktux*

<sup>3</sup> Ûgmû'ãte yûmûg Tak Topa max 'ãktux, 'îhã nõm pu hãm'ãktux 'ãxop 'ãxape xop pupi', yã Topa te yûmûg xuxyã Yeyox Kunnix hã' Tak.

<sup>4</sup> 'Ãkuxa mãm ka'ok Yeyox Kunnix kopah, tu Topa yõg tikmû'ûn xohix putup pax, hak mû'ãte' yûmmûg.

<sup>5</sup> Hõmã 'ãxop te hãm'ãpak max'ax 'ãpak hãmãxap, hu hãmmax hip, nûy 'ãhi xe'e mõ kuma mõg, hu 'ãkuxa mãm ka'ok, xi' nõy putup pax 'îhã' hip, nûy hãpxip punethok 'îhã pexkox yõg hãpxop pop.

<sup>6</sup> Yã Topa te hãm'ãpak max'ax hã tikmû'ûn xohix ha hãmmxnãhã', yî' hep xop xohix pu hãm'ãktux, yã kama 'ãxop te hãm'ãpak, tu Topa te' xohix ha hãmmxnã'ax 'ãpak, ha kaxîy Topa te xa hãmmxnãhã', 'îhã' xupak, ha hõnhã hãmmxnã kamah.

<sup>7</sup> Ha yũmũg xape 'Epap te xa hãmyũmmũgãhã', tuk mũg pupi hãpxopmãhã', tu Kunnix pu hãpxopmã punethok,

<sup>8</sup> tuk mũ'ã Topa Koxuk 'ãktux, ha xa ka'ogãhã', nũy kuxa mãm xop xohix putup pax, yĩy 'Epap tek mũ'ã' xuktux.

<sup>9</sup> Hak mũ'ãte' xupak, tu Topa tu' xak, pu 'ãxop pu hãmyũmmũgã', xayĩy hãmyũmmũg xe'e', nũy yã Topa putup, xayĩy 'ãxop yũmmũg, nũy Topap-tup'ax yũmmũg, hu yãy Koxuk te xa hãmyũmmũgãhã',

<sup>10</sup> xayĩy hãpxopmã max, ha Topa te 'ãptup, xa hãpxopmã max mō kuma 'ãmōg, tu mōktu yã Topa yũmmũg xe'ëgnãg.

<sup>11</sup> Topa ka'ok xe'ëgnãg, tu 'ãka'ogãp-tup, xayĩy nōã'tot, 'ĩhã 'ãkuxa hittup,

<sup>12</sup> hu yũmũg Tak Topa pu hãm'ãktux, hu: “'Ãmax Topah, xatek mũg ka'ogãhã', 'ũ pexkox yōg hãpxop pop, yĩy 'ōg tikmũ'ũn xohix mütik pop,” kaxĩy. Yã Topa te nōm hãpxop xex pexkox kopah, nũy yãy yōg xop pu' popmã'. Yã' popmãp-tup yãy yōg tikmũ'ũn pu', nōm te Topa pu' yĩpkox pip.

<sup>13</sup> Hōmã yũmũg kuxa kummuk, yã hãpkoxtap putuk yũmũg kuxa kopah, pãyã yũmũg Tak Topa te yũmũg kuxa maxnãhã', tu yũmũg nũnnãhã yãy kutok hah. Yã yãy kutok mō'yãy xe'ëgnãg, 'ũk-tok yãp-xehnãg tu', puyĩy 'ũk-tok Yeyox Kunnix yũmũg xat, nũy 'ũkpẽnã max.

<sup>14</sup> Tu yũmũg pupi' xok tap, nũy yũmũ yōg hãpkummuk mĩy'ax xaxogã', pu tu kux.

*Tute Kunnix 'ãktux*

15 Tikmũ'ũn 'ũm te Topa pēnā hok, ha Kunnix te yāy Tak Topa pa putuk xe'ēgnāg, tuk-tok te māxap, hak-nāy tu Topa te hāpxop xohix mīy.

16 Yāk-tok mūtik Topa te hāpxop xohix mīy, tu tu hāpxop xohix xat'ax, tu hāpxop pēnā'ax mīy, xix hāpxop pēnā hok mīy kamah, xix pexkox yōg xexka xop mīy, xi' yōg xat'ax xop xohix mīy. Topa tek-tok mūtik mīy, xik-tok pu' mīy hāpxop xohix.

17 Kunnix xip tap, 'lhā Topa te pexkox mīy, xix hahām, xix hāpxop xohix mīy, tu nōm mūtik hāpxop xohix xex max, pu tu pip ka'ok.

18 Ha Kunnix te' kuxa mām ka'ok xop hāp-tox. Yā tikmũ'ũn putox te yāy yīn xat, nūy tu pēnā max, ha kaxīy Kunnix te' kuxa mām xop xat, nūy tu pēnā max, tu nōm xop hīnnāhā', yā Topak-tok te māxap, tu putpu' hi tap, nūy hāpxop xohix hā tu xexka xe'ēgnāg.

19 Yā Topa tek-tok putup, yā Topa xe'ēgnāg kamah.

20 Yīy Topa te hāmpē'paxex, tu yāy kutok nū'kutnāhā' hām tu', pu tu xok mīpkupnix tu', nūy tu' gāy nām xop xohix nōā', puyīy Topa hā tu xape'. Tu pexkox yōg gāy xop nōāp-tup kamah, puyī' xohix yā Topa hā tu xape'.

21 Hōmā Topa tu 'āpip hāptox hah, tu 'āyīpkox 'ohnāg, tu Topa hā 'āpuknōg, 'ōg hāpxopmā'ax kummuk tu', xix hāpe'āpaxex kummuk tu' 'āpuknōg,

22 pa Topak-tok xok, ha hōnhā' Tak te xa hā' xape, nūy yāy keppa 'ānūnnā', tu 'ākuxa tupmāhā', tu 'ōg hāpkummuk mīy'ax xaxogāhā', nūy 'āmax 'āktux.

23 Yīy Topa yōg putat hā 'āmōg ka'ok, hu' xak hok. 'Āxop te hām'āpak'ax max 'āpak, ha xa'

hipmāhā', xayīy pexkox yōg hāpxop pop, hu' xaxok hok. 'Ūgmūn Paot te hām'āpak'ax max 'āktux pax, tu hāpxexka yōg xop xohix pu' xuktux, hu hāpxopmāhā'.

*Paot te' kuxa mām ka'ok xop pupi hāpxopmāhā'*

<sup>24</sup> Tuk xūy 'āxop pupi', nūy Kunnix pupik xūy, huk kuxa hittup, Kunnix xop pupik xūy tu'. Yā Kunnix hā yūmūg yīn puxet, ha yūmūg xat, nūy yūmūg pēnā max, yāy yīn pēnā max putuk.

<sup>25</sup> Topa tek mūn yāy kutnāhā', nūy mōgkutnā' Kunnix yīn xop hah, nūy Topa pupi hām'āktux, nūy xa hām'āktux xohix 'āktux.

<sup>26</sup> Hāmyāxatamuk xohix punethok hā Topa te hāmpē'paxex, tu' yīy 'ohnāg, pa hōnhā' kuxa mām ka'ok xop pu' hāmyūmmūgāhā', yā hām'āktux xe'e'.

<sup>27</sup> Topa te' hep xohix xop pu hāmyūmmūgāhā', tu hām'āktux'ax xe'e' yūmmūgāhā', ha hām'āktux nūhū', hu: Kunnix te 'ākuxa kopa' xip, nūy xa' popmā pexkox yōg hāpxop xohix, yīy 'āxop yāyhāp-tup max xe'ēgnāg, Kunnix putuk.

<sup>28</sup> Ha kaxīy 'ūgmū'āte hām'āktux, tu Kunnix 'āktux tikmū'ūn xohix pu', tu hāmyūmmūg, nūy hāmyūmmūgā max, nūy 'āmōgā Topa hah, xayīy 'ākuxap-xet Kunnix mūtik, nūy Topa hā 'ātix tap,

<sup>29</sup> yīy 'āte hāpxopmā punethok, ha Kunnix tek ka'ogāhā', ha 'āte hāpxopmāhā' punethok.

## 2

<sup>1</sup> 'Āte xa hām'āktux, xayīy yūmmūg. 'Ūghām punethok 'āxop pupi', xix kōmēn Namnixet yōg kuxa mām xop pupi', yā' xohix pupi', nōm tek pēnā 'ohnāg pupik hām.

2 'Āte hāpxopmāhā', nūy 'ūgnōy ka'ogā', puyī' kuxap-xet yāy putup, nūy hāmyūmmūg xexka', nūy hām'āktux xe'e' yūmmūg. Kunnix yā Topa yōg hām'āktux xe'e', Topa te tikmū'ūn pu hāmyūmmūgāhā'.

3 Yāk-tok xe'e te Topa yōg hāmyūmmūg'ax xohix yūmmūgāhā'.

4 Yīy 'āte xa hām'āktux, hu: Koit'ax pu 'īpkox pip hok, yā' kummuk xop te mō'āmā pax. 'Ūpa max, ha ta' kuxa mūn kummuk.

5 Hāptox tuk xip, pak kuxa te 'ākuxa mūtik yāp-xet, 'ākuxa mām ka'ok Kunnix kopah, hak kuxa hittup xexka'.

*Kunnix te yūmmūg hīnnāhā'*

6 'Āxop te: “Yeyox Kunnix yā yūmmūg xuxyā'” kaxīy. Hu nū mūtik 'ākuxap-xet, nūy hāpxopmā max.

7 Mīm yīpxatit te hām hā mō'nāhā', tu hām kopa' xip ka'ok, kaxīy 'āpip ka'ok Kunnix tu', puyīy 'āka'ogā', xayīy 'ākuxa mām ka'ok xexka', hak mū'āte xa hāmyūmmūgāhā', 'ūxaxok hok, nūy Topa pu hām'āktux, nūy: “Āmax Topah!” kaxīy.

8 'Ōg pa 'āti!' Tikmū'un te 'ākuxa hā' xupxet putup, mō'āmā'ax hā 'ākuxa hā' xupxet putup, hām'āktux hitop hā nōm xupxet putup. Nōm hām'āktux yā Topa hā' puknōg xop yōg hām'āktux, 'ap Topa yōg'ah, ha pexkox yōg xexka xop te Topa tu' gāy, tu hām'āktux, pāyā Kunnix te' xuktux 'ohnāg.

9 Yā Kunnix te Topa xe'ēgnāg putuk, tu tikmū'ūn kutok xe'e', tu yāy putuk xe'ēgnāg,

10 ha Topa te Kunnix mūtik 'āhīnnā xe'e', yā 'ākuxap-xet Kunnix kuxa mūtik, ha Kunnix xexka

xe'ėgnăg, tu pexkox yōg xop xat, xix hăm tu' pip xop xat, nōm xop hă' xat'ax, tu' xat.

11 Yoneo xop te' pit xop yăy năg xax mep 'ŭyĩmap, păyă Kunnix te' 'ăkuxa kummuk xit, nŭy ta' yănăn tu kuxa max tat.

12 'Ăp-tox pix 'ĭhă 'ăxop te hăpxopmă kummuk kux, ha Kunnix nō hăpkot, ha Topa te' putpu' hĭnnă xe'e'. Yă 'ăkuxa măm ka'ok Topa kopa', ha ka'ognăg xexka', tu Kunnix putpu' hĭnnăhă', tu kamah 'ăxop kuxa hĭnnă xe'ėgnăg.

13 Hōmă 'ăxop te hăpxopmă kummuk pax, yă Topa hă 'ăxop puknōg, tu kamah Yoneo yōg tikmŭ'ŭn hă 'ăpuknōg, pa Topa te' 'ăkuxa hĭnnăhă', Kunnix hĭnnă putuk 'ăhĭnnăhă', tu hăpkummuk mŭy'ax xohix xaxogăhă', pu tu kux.

14 Yă Kunnix te yŭmŭg pupi' xok, tu yŭmŭg yănăn tu' xok mĭpkupnix tu', 'ŭyĩy Topa hăk xape', pŭyĩy yŭmŭg kummuk mŭy'ax hă' pago. Yă yŭmŭg kuxa kummuk tupmăhă', puyĩy yŭmŭg kuxa tu max Topa pu'.

15 Ha hăpkummuk yōg xexka xop pu' kuxyăhă', tu mĭpkupnix tu' xup, nŭy mōktuk-tōgnăg, tu pipkup măkxap'ax hă' hĭy, tu' hupmăhă', ha' mōgăhă', pu' xohi' pĕnă', tu' yŭmmŭg, tu Kunnix te' xat xe'ėgnăg yŭmmŭg, ha hăpxohix te nōm pu' yĭpkox pip.

16 'Ŭtux hok pu tikmŭ'ŭn 'ōg hăpxopmă'ax kopit hok, nŭy xo'op'ax hă 'ăxat hok, xix 'ăxit'ax hă 'ăxat hok, xix nit xăn hă 'ăxat hok, xayĩy 'ăhăm hok. 'Ŭtux hok, pu' 'ăxat hok, xayĩy nit xap yĩy ta 'ăhăm hok, xix 'ămuk xexka mŭy'ax hă 'ăxat hok, xix măyōnhex tup 'ĭhă 'ăxat hok. Yă' tux hok pu 'ăxat hok.

17 Yă' xohix te nŭ pexkox yōg hăpxopmă'ax hă'

komut, yā' koxuk putuk, 'ap xe'e'ah. Hōmā Topa te' xat pu Yoneo xop mīy. Topa te tu xo'op'ax xat, xix nōm hāpxop xohix xat, nūy tikmū'ūn pu Kunnix 'āktux, pa hōnhā Kunnix xip xe'ēgnāg, yīy hāpxopmā'ax komut yāyhā' hitop, ha' kux.

<sup>18</sup> Tikmū'ūn te koit'ax hā ĩpkox hok, nōm xop te yāy 'āktux xexka hā ĩpkox hok. Tu hāpxopmā'ax xe'ēgnāg pēnā'ax 'āktux, tu mō'āmā', 'ihā' xat, xa pexkox yōg nū'pok xop pu nūktettex, nūy nōm 'ūxexka 'āktux, ha hitop hā yāy kutōgnāg 'āktux, 'ihā yāy xexka pe'paxex, tu yāy putup'ax kummuk mīy.

<sup>19</sup> Tu Kunnix nīm, ha' kuxa mām ka'ok xop hāp-tox, puyīy nōm xop xohix yā kuxap-xet, yāy yīn puxet putuk, ha' xohix nāg nōy nā' mōg, tu mōktu xexka', yā Topa tep-tup hah.

### *Kunnix mūtik yūmūg hi, xix yūmūg xakix*

<sup>20</sup> Kunnix xok, nūy 'ōg hāpkummuk mīy'ax kuxyā', xayīy yāmīy kummuk yōg xexka xop nīm. Tep tu xate nōm 'āpak?

<sup>21</sup> Ha 'āxat, hu: “‘Ūxupit hok nūhū',” kaxīy, tu xe: “‘Ūmā hok 'ōhōm,” kaxīy, tu xe: “‘Ūpa hok nō'ōm,” kaxīy. Pa nōm pu ĩpkox hok.

<sup>22</sup> Hāpxop xohix nōg'ax, tu yāyxaxogā'ax, ha tikmū'ūn te' xat hok, pu mīy hok, pa Topa te' xat 'ohnāg.

<sup>23</sup> Yā' xat'ax puknōg te hāmyūmmūg putuk, pāyā' hitop, ha' xat pu pexkox yōg nū'kutnā'ax pu nū'xup, nūy yāy xax te kutuk, pāyā' koit, yā' hitop, tu tikmū'ūn yōg hāpe'paxex maxnā 'ohnāg, tup-tup'ax kummuk pu hupmā 'ohnāg kamah.

### 3

1 Kunnix mŭtik 'āhi xe'e'. Hōmā 'āxop te hāpxopmā kummuk kux, hu pexkox yōg hāpxop xax nōmhā, yā Kunnix yŭm 'ōnte', tu Topa yīpxe'e hā' yŭm.

2 Pexkox yōg hāpxopmā'ax pe'āpaxeh, nŭy hām yōg hāpxopmā'ax xaxogā'.

3 Hōmā 'āxop te hāpkummuk mŭy pax, pa Topa te 'āhīnnāhā', tu Kunnix hīnnā putuk, tu 'āpēnā max, yā 'āxop kuxap-xet Kunnix mŭtik, xix Topa mŭtik.

4 Kunnix te 'āhīnnā xe'e', nŭy 'ākopa tu' xip ka'ok, tu putpu' nŭn putup, pu' hep xop xohi' pēnā', ha' nŭn, 'īhā 'āxop xexkanāp-tup, ha mōktu yā 'āxexka', Kunnix mŭtik yā 'āxexka putup, pu' xohi' pēnā'.

#### *Yŭmŭg hi xe'ēgnāg*

5 Yāy yōg putup'ax kummuk mŭy hok, nŭy hāpkummuk mŭy kux, ha tikmŭ'ŭn te hāpkummuk mŭy, tu' nōy hā' xupxet, xi' xonnix, xi' gāy, xi' nōy yōg hāpxop putup. Tikmŭ'ŭn te hāpxop putup pax xexka', puxix tu Topap-tup hok, ha kaxīy hāpxop te topa komut xop putuk, tikmŭ'ŭn tep-tup xexka hah, tu mōktu Topa xe'ēgnāg xaxogāhā',

6 ha Topa gāy tikmŭ'ŭn te hāpkummuk mŭy tu', nōm xop te Topa pu' yīpkox 'ohnāg, yī' kummugāp-tup 'ūyānān tu'.

7 Hōmā 'āxop te yāy putup'ax kummuk mŭy, hu' mŭy pax, Topa pu' āyīpkox 'ohnāg tu'

8 Pa' kuxyā nōmhā, xayīy mŭy hok 'ūxeheh, yāy putup'ax kummuk mŭy hok, xix 'āgāy hok, xix 'ānōy pu hāpkummugā hok, xatep-tup nōg tu', xi' ku-peh hok, xix 'āyīy kummuk hok, nŭy 'ānōy mǎnōg hok.



9 Koit hok 'ãnõy pu'. Yã Topa te 'ākuxa kummuk xit, nũy kuxa max tat 'ũyãnãn tu'.

10 Yĩy hãpkummuk mĩy'ax xohix kux, pu Topa 'ākuxa tupmã 'ãmnĩy xohix hã, nũy xa hã yãy putup, xayĩy Topa yũmmũg xe'ëgnãg.

11 Yĩ' kuxa mãm ka'ok xop puxet, yã Kunnix hã' kuxap-xet, xip-tox puxet, 'ap 'ãxop Yõneo xop yõg'ah, xi' puknõg xop yõg'ah, xix tikmũ'ũn yõg'ah, xix 'ãyuhuk yõg'ah, xix kamoka xop yõg'ah, xix kãmãnat xop yõg 'ah, xi' xat'ax xop yõg'ah, pãyã 'ãxop yã Kunnix yõg, ha' xexka xe'ëgnãg, tu yãy yõg tikmũ'ũn xohix kuxa kopa' xip, ha' xohix te yã yãy putuk Kunnix pu'.

12 'Ăxop yã Topa yõg tikmũ'ũn, ha mõ'ãyãy xe'ëgnãg, tu 'ãyĩmõgatux yãy mũn pu', yĩy 'ãnõy kuxa ka', tu nõã'tot, tu nõm pu hãmmãxnãhã', xix yãy kutõgnãg pe'ãpaxeh, nũy 'ãnõy pe'ãpaxex max, xix 'ãyĩy pu'uk, nũy 'ãnõy gãyã hok,

13 nũy 'ũyõg hãpkummuk mĩy'ax xaxogã', 'ĩhã 'ãnõy te xa hãpkummugã'. Yã kaxĩy yũmũg xuxyã te 'ãxop yõg hãpkummuk mĩy'ax xaxogãhã', pu tu kux.

14 Ha ta mõy 'ãnõy putup pax xexka', nũy nõm hã 'ākuxap-xet, xix 'ãp-tox puxet.

15 Pũyã Kunnix 'ākuxa mãmã', nũy 'ãnõy mũtik tu ti max, nũy yãytuk-mĩy hok. Yã Topa te 'ãxãnãhã', nũy 'ākuxa mãmã', nũy nõm hã 'ãp-xet, 'ãyĩn puxet putuk. 'Ūxaxok hok, nũy Topa max 'ãktux, hu: "Ămax Topa, tu yũmũ'ã hãpxop xohix popmãhã', yã' puxi'," kaxĩy.

16 Pũyã Kunnix yõg hãm'ãktux xe'e 'ākuxa kopa' xip, tu xa hãmyũmmũgãhã', xa' yũmmũg, nũy 'ãnõy pu' yũmmũgã', tuk-tex, nũy Topa xexka 'ãktux, nũy

'ākuxa yā Topa max 'āktux.

17 'Ok pe 'āxop te hāpxopmāhā', pe hām'āktux, hu ta yūmūg xuxyā Yeyox 'āktux, nūy Topa yūmūg Tak pu: 'Āmax Topah. Xate yūmūg xuxyā Yeyox yūmū'ā nū'kutnāhā'. 'Āmax! kaxīy.

*Te xīy hā hāpxopmāhā'*

18 'Āte 'ūn xop xat, pu' yīpxox pu yīpkox pi', yā Kunnix te' xat.

19 Ha' yīpxox xop xat, pu' xetut putup pax, hu' kuxa ka'.

20 Hak-tok xop xat, pu yāy tak pu yīpkox, xi' tut pu yīpkox. Yā Topa te' xat.

21 'Āk-tok gāyā hok, ka 'āk-tok kuxa tuknōā'.

22 Kāmānat xop, 'āxuxyā' nōm tik te 'āxat pu 'īpkox pi', nūy tu hām max, yā 'āmnīy xohix hā hām max, 'ok pe 'āpēnā', 'ok pe 'āpēnā hok, yīy Topa pu hām max, 'āxop tep-tup pax tu'.

23 'Āpu hāpxopmā max, pu Topa pēnā', nūy 'ōg hāpxopmā'ax putup, ha Topa pu hāpxopmā', 'āhittup tu'.

24 'Ūxaxok hok: Yūmūg xuxyā te pagop-tup hok'ah xa', tu pexkox yōg hāpxop xex yāy yōg tikmū'ūn pu', yā Kunnix te 'āxop hā 'āxat'ax xe'e',

25 tu' yānān tu pago, tu hāpkummuk mīy xop kum-mugāhā 'ūyānān tu'. Yā Topa te hāmyok mīy, nūy xohix pu pago, yā Topa pu 'ūxohix te' nōy putuk.

## 4

1 'Āxop 'āxuxyā xop, 'āpu hāmyok mīy, nūy 'ōg kāmānat pu pago max, Topa yā 'āxuxyā xe'e', tu 'āxat, tu pexkox tu' xip, yīy 'ōg kāmānat xop pu pago max, nūy nōm pu hāmmaxnā'.

*Paot te hāmyūmmūgāhā'*

<sup>2</sup> Topa pu hām'āktux pax, tu 'ōg pa mōxip, mō'ōn hok, nūy Topa max 'āktux, xa' popmā hāpxop xohix hah.

<sup>3</sup> Ha kamak mūg pupi tu' xax, pu Topa 'ūgka'ogā', 'ūgmū Topa yōg hām'āktux xe'e 'āktux, nūy Kunnix 'āktux. Yā kanet kopak xip, 'āte Kunnix 'āktux tu'.

<sup>4</sup> Ha Topa tu' xax, puk ka'ogā', 'ū Kunnix hā hāmyūmmūgā max, yā Topa tep-tup pax.

<sup>5</sup> Hāmyūmmūg, nūy 'ūkuxa mām hok xop pu hāpxopmā max 'āmnīy xohix hā, xayīy hāmyūmmūg'ax hā Kunnix 'āktux max tikmū'ūn pu'.

<sup>6</sup> Hāmyūmmūg, nūy hām'āktux max, nūy tu hām'āktux hā' nōy yānān max.

*Tuk-nāy tu 'āneo*

<sup>7</sup> Yūmūg xape Tikik te Kunnix pu hāpxopmāhā', tuk mūg mūtik hāpxopmāhā', tu xa hām'āpak'ax 'āktux putup, nūy 'ūgmūn 'āktux.

<sup>8</sup> 'Āte 'āxop hah mō'kutnāhā', pu 'āka'ogā', nūy putpu' nū', nūy xak mūg 'āktux.

<sup>9</sup> Tu yūmūg xape 'Ōnēy mūtik mōg, ha 'ōgnū kōmēn yōg tihik, tu xa hām'āpak'ax xohix 'āktux'ax, tuk mūg 'āktux'ax.

<sup>10</sup> Anixtah 'ūgmūtik kanet kopa' tihī', tu 'āneo, xix Maname tiktak Mā'ak te 'ā 'āneo kamah. 'Āte xa hām'āktux tap, tu 'āha Mā'ak mōg'ax 'āktux, pu tu 'āpet kopa' xip, 'ihā putpu 'āha' mōg.

<sup>11</sup> Yoyoe 'āxet'ax nōy yā Hāmyok, tu xa 'āneo kamah. Nū tik 2 te Yoneo yōg tihik, tuk mūtik hām, ha Yoneo xop nōy hām 'ōhnāg 'ūgmūtik, puyīy Topa

yāy yōg tikmũ'ũn xat, ha' yĩpkox pip, ha tik 3 te hãpxopmãhã' punethok, nũy tu yāy hãk tehet.

<sup>12</sup> 'Epap te 'ōgnũ kōmēn yōg tihik kamah, tu Yeyox Kunnix pu hãpxopmãhã', tu 'a 'ãneo, tu Topa tu' xak pax, 'ãxop pupi' xak, puyĩy 'ãka'ogã', nũy Topa hã 'ãxiptap, nũy Topa pu 'ãxop hãpxopmã'.

<sup>13</sup> Yã 'Epap hãm punethok, 'ãte' yũmmũg, ha 'ãxop pupi' hãm punethok, xix kōmēn Namnixet yōg tikmũ'ũn pu' hãm punethok, xix Yenap yōg tikmũ'ũn pu' hãm punethok.

<sup>14</sup> Notot Nok yũmũ'ã hã' xape, tu 'ã' 'ãneo, xix Nep te 'ã' 'ãneo kamah.

<sup>15</sup> 'Ûgmũ'ãte Namnixet yōg xape xop pu 'ãneo, xix Nĩ'ip pu 'ãneo, xi' kuxa mãm ka'ok xop pu 'ãneo, nōm Nĩ'ip pet tu yāy tu'nãhã 'ãneo kamah.

<sup>16</sup> 'Äpu nũ tappet mō'kupix hãmãxap, nũy kunãy tu Namnixet yōg xop ha mō'kutnã', pu mō'kupix kamah. Mō'kupix Namnixet xop yōg tappet 'ũyãnãn tu'.

<sup>17</sup> 'Äpu 'Akip pu hãm'ãktux, hu: “Yũmũg xuxyã te 'ãxat, xa hãpxopmã', yĩy hãpxopmã max, nũy nō kuxyã Kunnix pu',” kaxĩy.

<sup>18</sup> 'Äte Kax'ãmi yāy yĩm hã, hu: 'Ûgmũn Paot te 'ãxop pu 'ãneo. Kanet Kopak xip, yãk xaxok hok!

Pũyã Topa xa hãmmaxnã'!

Tu ta tu' kux.

**Topa Yōg Tappet**  
**New Testament in Maxakalí (BR:mbl:Maxakalí)**

copyright © 2011 Wycliffe Bible Translators, Inc.

Language: Maxakalí

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Maxakalí

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
a212b59e-62d7-5a38-9773-b0ce1d5b248b